



Broj: 07-11-1697/24
Vogošća, 29.11.2024. godine

Na osnovu člana 70. stav 3. i 72. stav 3. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 29.11.2024. godine donio je

**ODLUKU
O IZBORU TREĆERANGIRANOG PONUĐAČA ZA IZVOĐENJE RADOVA NA SANACIJI
SAOBRAĆAJNICE U ULICI RAMIZA ALIĆA-HOTONJ III, U DUŽINI OD 310 m**

Član 1.

Ponuda ponuđača "Demus" d.o.o. Sarajevo, ulica Patriotske lige bb Sarajevo, odabrana je za izvođenje radova na sanaciji saobraćajnice u ulici Ramiza Alića-Hotonj III, u dužini od 310 m, kao trećerangirana ponuda sa Rang liste, sa ponuđenom ukupnom cijenom nabavke u iznosu od 399.743,35 KM bez uračunatog PDV-a, odnosno 467.699,72 KM sa uračunatim PDV-om.

Član 2.

Ovom Odlukom stavlja se van snage Odluka o izboru drugorangiranog ponuđača za izvođenje radova na sanaciji saobraćajnice u ulici Ramiza Alića-Hotonj III, u dužini od 310 m broj: 07-11-1697/24 od 07.11.2024. godine.

Član 3.

Odluka o izboru trećerangiranog ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 04.10.2024. godine donio Odluku o pokretanju Otvorenog postupka nabavke radova na sanaciji saobraćajnice u ulici Ramiza Alića-Hotonj III, u dužini od 310 m, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 07.10.2024. godine pod brojem: 1353-1-3-220-3-158/24.

Sažetak Obavještenja o nabavci objavljen je u "Službenom glasniku BiH" broj: 69/24 od 11.10.2024. godine.

Nakon provedene Zakonom propisane procedure, te nakon provedene E-aukcije, Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1697/24 od 01.11.2024. godine kojom je kao najpovoljniju ponudu u Otvorenom postupku nabavke radova na sanaciji saobraćajnice u ulici Ramiza Alića-Hotonj III, u dužini od 310 m ocijenila ponudu ponuđača "Ame" d.o.o. Breza, sa ponuđenom ukupnom cijenom nabavke u iznosu od 333.000,00 KM bez uračunatog PDV-a, odnosno 389.610,00 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1.TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2.TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1.TD je bio 06.11.2024. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 01.11.2024. godine.

U ostavljenom roku izabrani ponuđač "Ame" d.o.o. Breza nije dostavio dokumentaciju traženu po članu 45. stav 2. Zakona, kojom se dokazuje vjerodostojnost date izjave u sklopu Ponude broj: 38/24 od 21.10.2024. godine.

Komisija za javne nabavke Općine Vogošća je Zapisnikom o pregledu i ocjeni ponuda broj: 07-11-1697/24 od 31.10.2024. godine utvrdila Rang listu u Otvorenom postupku nabavke radova na sanaciji saobraćajnice u ulici Ramiza Alića-Hotonj III, u dužini od 310 m kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ame" d.o.o. Breza	333.000,00	389.610,00
2	"Ado trans" d.o.o. Visoko	337.999,99	395.459,98
3	"Demus" d.o.o. Sarajevo	399.743,35	467.699,72
4	"MGBH" d.o.o. Sarajevo	399.784,61	467.748,00

Općinski načelnik na osnovu preporuke Komisije za javne nabavke je dana 07.11.2024. godine donio Odluku o izboru drugorangiranog ponuđača broj: 07-11-1697/24, kojom je kao najpovoljnija drugorangirana ponuda sa Rang liste, u Otvorenom postupku nabavke radova na sanaciji saobraćajnice u ulici Ramiza Alića-Hotonj III, u dužini od 310 m ocijenjena ponudu ponuđača "Ado-trans" d.o.o. Visoko, sa ponuđenom ukupnom cijenom nabavke u iznosu u iznosu od 337.999,99 KM bez uračunatog PDV-a, odnosno 395.459,98 KM sa uračunatim PDV-om.

U skladu sa tačkom 7.1.2. TD. izabrani ponuđač je u roku od 5 dana od dana zaprimanja Odluke o izboru najpovoljnijeg drugorangiranog ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1. TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2.TD trebali su biti originali ili ovjerene kopije i nisu mogli biti stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1.TD je bio 12.11.2024. godine, obzirom da je Odluka o izboru najpovoljnijeg drugorangiranog ponuđača zajedno sa Obavještenjem o rezultatu postupka javne nabavke i Zapisnikom Komisije za javne nabavke svim ponuđačima koji su učestvovali u postupku dostavljena dana 07.11.2024. godine.

U ostavljenom roku izabrani ponuđač "Ado-trans" d.o.o. Visoko je između ostalih zahtjevanih Uvjerenja iz tačke 7.1.1. TD dostavio i Uvjerenje broj: 13-4/10-12-5-2791/24 BŠ od 04.09.2024. godine, izdato od Porezne uprave Federacije BiH-Porezna ispostava Visoko, te Uvjerenje broj: 02/6/II-16-11-20-11273/24 od 02.09.2024. godine, izdato od Uprave za indirektno oporezivanje-Regionalni centar Sarajevo.

Gore dostavljena Uvjerenja dostavljena su kao obične kopije, bez ovjere dokumentacije od strane nadležnih organa.

Postupajući u skladu sa odredbama člana 2. stav I) alineja 3) i člana 68. stav 4. Zakona o javnim nabavkama BiH ("Službeni glasnik BiH", broj 39/14, 59/22 i 50/24) Komisija za javne nabavke je utvrdila da ponuđač "Ado-trans" d.o.o. Visoko nije dostavio traženu dokumentaciju na način propisan po članu 45. stav 2. Zakona, kojom se dokazuje vjerodostojnost date izjave u sklopu Ponude broj: P-63/24 od 28.10.2024. godine te je ponudu ponuđača "Ado-trans" d.o.o. Visoko ocijenila kao nepravilnu i kao takvu neprihvatljivu za ugovorni organ.

Komisija za javne nabavke Općine Vogošća je Zapisnikom o pregledu i ocjeni ponuda broj: 07-11-1697/24 od 31.10.2024. godine utvrdila Rang listu u Otvorenom postupku nabavke radova na sanaciji saobraćajnice u ulici Ramiza Alića-Hotonj III, u dužini od 310 m kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ame" d.o.o. Breza	333.000,00	389.610,00
2	"Ado trans" d.o.o. Visoko	337.999,99	395.459,98
3	"Demus" d.o.o. Sarajevo	399.743,35	467.699,72
4	"MGBH" d.o.o. Sarajevo	399.784,61	467.748,00


Iz navedenih razloga, a primjenom člana 72. stav 3. pod a) Zakona o javnim nabavkama BiH ("Službeni glasnik BiH", broj 39/14, 59/22 i 50/24) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi ugovorni organ" Komisija za javne nabavke je jednoglasno daje preporuku Općinskom načelniku da se donese Odluka o izboru trećerangiranog ponuđača i da se ugovor za izvođenje radova na sanaciji saobraćajnice u ulici Ramiza Alića-Hotonj III, u dužini od 310 m dodijeli ponuđaču "Demus" d.o.o. Sarajevo, kao trećerangiranom na Rang listi, sa ponuđenom ukupnom cijenom nabavke u iznosu od 399.743,35 KM bez uračunatog PDV-a, odnosno 467.699,72 KM sa uračunatim PDV-om.


Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru trećerangiranog ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo




OPĆINSKI NAČELNIK

Migdad Hasanović

Dostavljeno:

1. "Demus" d.o.o. Sarajevo
2. "Ame" d.o.o. Breza
3. "MGBH" d.o.o. Sarajevo
4. "Ado trans" d.o.o. Visoko
5. Nadležnoj Službi
6. U dosije
7. a/a

info@demus.ba
ame@bih.net.ba
info@mgbh.ba
adotrans@gmail.com